

主 編◎林慶彰 賴明德

劉兆祐 張高評

晚清四部叢刊

第一編
48

馬佳松楮《通鑑類纂六》

主編◎林慶彰 賴明德

劉兆祐 張高評

晚清四部叢刊

第一編

48

常州大學圖書館
藏書章

馬佳松楮《通鑑類纂六》

國家圖書館出版品預行編目資料

晚清四部叢刊. 第一編 / 林慶彰等主編. --臺中市 : 文听閣圖書, 2010.11
冊 ; 公分


ISBN 978-986-85747-1-7 (全套:精裝)

1. 叢書 2.清代

082

99021531

ISBN 978-986-85747-1-7



《晚清四部叢刊》第一編 (全 120 冊) 16k 精裝

主 編： 林慶彰 賴明德 劉兆祐 張高評
副 主 編： 蔣秋華 邱德修 馮曉庭 王基倫
出 版 · 發 行： 文听閣圖書有限公司
地 址： 台中市西屯區(407)逢甲路 225 巷 9 號
電 話： (04)27067357
傳 真： (04)27067028
統 編： 27832175
印 刷： 百通科技股份有限公司
電 話： (02)86926066
初 版： 2010 年 11 月

ISBN : 978-986-85747-1-7

定 價： 新台幣參拾陸萬元整

目次

通鑑類纂六

.....

馬佳松椿

通鑑類纂

光緒戊戌年長白馬
佳氏琴於督漕節署

通鑑類纂目錄

長白馬佳松椿峻峰甫纂

男寶文排次

品概部 方正門

漢武帝不冠不見汲黯

漢金日磾惡其子不謹殺之

晉顏含修己守道

梁徐勉夜集止談風月

唐太宗敬畏魏徵佳鵠匿懷中死

唐高宗謂劉齊賢豈捕鵠者

唐韋安石面折武三思張易之

唐裴冕不表薦李輔國爲相

唐杜黃裳怒韋執誼以一官相買

宋太祖冠帶乃召見竇儀

宋趙普拒韓重贇謝救弗見

宋劉安世眞鐵漢

方正門

漢武帝不冠不見汲黯

元朔五年衛青尊寵於羣臣無二公卿以下皆卑奉之獨汲黯與亢禮人或說黯曰自天子欲羣臣下大將軍大將軍尊重君不可以不拜黯曰夫以大將軍有揖客反不重邪大將軍聞愈賢黯數請問國家朝廷所疑遇黯加於平日大將軍青雖貴有時侍中武帝踞廁而視之丞相公孫弘燕見武帝或時不冠至如汲黯見武帝不冠不見也武帝嘗坐武帳中黯前奏事武帝不冠望見黯避帳中使人可其奏其見敬禮如此

漢金日磾惡其子不謹殺之

後元二年日磾長子爲武帝弄兒帝甚愛之其後弄兒壯大不謹自殿下與宮人戲日磾適見之惡其淫亂遂殺弄兒武帝聞之大怒日磾頓首謝具言所以殺弄兒狀武帝甚哀爲之泣已而心敬日磾

晉顏含修己守道

咸康四年光祿勳顏含以老遜位論者以王導帝之師傅名位隆重百僚宜爲降禮太常馮懷以問含含曰王公雖貴重理無偏敬降禮之言或是諸君事宜鄙人老矣不識時務旣而告人曰吾聞伐國不問仁人向馮祖思問佞於

我我豈有邪德乎郭璞嘗遇含欲爲之筮含曰年在天位在人修已而天不與者命也守道而人不知者性也自有性命無勞著龜致仕二十餘年年九十三而卒

梁徐勉夜集止談風月

天監六年徐勉嘗與門人夜集客虞暠求詹事五官勉正色曰今夕止可談風月不可及公事時人咸服其無私

唐太宗敬畏魏徵佳鶴匿懷中死

貞觀二年魏徵容貌不逾中人而有膽略善回人主意每犯顏苦諫或逢太宗怒甚徵神色不移太宗亦爲之霽威嘗謁告上豕還言於太宗曰人言陛下欲幸南山外皆嚴

裝已畢而竟不行何也太宗笑曰初實有此心畏卿嗔故
中輟耳太宗嘗得佳鷄自臂之望見徵來匿懷中徵奏事
固久不已鷄竟死懷中

唐高宗謂劉齊賢豈捕鷄者

乾封元年金紫光祿大夫劉祥道薨子齊賢嗣齊賢爲人
方正高宗甚重之爲晉州司馬將軍史興宗嘗從高宗獵
苑中因言晉州產佳鷄劉齊賢今爲司馬請使捕之高宗
曰劉齊賢豈捕鷄者耶卿何以此待之

唐韋安石面折武三思張易之

久視元年以韋安石同平章事時武三思張易之兄弟用

事安石數面折之嘗侍宴禁中易之引蜀商宋霸子等數人在座同博安石跪奏曰商賈賤類不應得預此會顧左右逐出之座中皆失色天后以其言直勞勉之同列皆歎服

唐裴冕不表薦李輔國爲相

上元二年加李輔國兵部尚書輔國赴上宰相朝臣皆送之御廚具饌太常設樂輔國驕縱日甚求爲宰相肅宗曰以卿之功何官不可爲其如朝望未允何輔國乃諷僕射裴冕等使薦已肅宗密謂蕭華曰輔國求爲宰相若公卿表來不得不與華出問冕曰初無此事吾臂可斷宰相不

可得華入言之肅宗大悅輔國銜之

唐杜黃裳怒韋執誼以一官相買

永貞元年先是太常卿杜黃裳爲裴延齡所惡留滯臺閣十年不遷及其壻韋執誼爲相始遷太常卿黃裳勸執誼帥羣臣請太子監國執誼驚曰丈人甫得一官柰何啟口議禁中事黃裳勃然曰黃裳受恩三朝豈得以一官相買乎拂衣起出

宋太祖冠帶乃召見竇儀

乾德元年帝嘗召儀草制儀至苑門見帝岸幘跣足坐却立不進帝爲之冠帶而後召入儀曰陛下創業垂統宜以

禮示天下帝改容謝之自是對近臣未嘗不冠帶

宋趙普拒韓重贇謝救弗見

乾德五年春有譖殿前都指揮使韓重贇私取親兵爲腹
心者帝怒欲誅之趙普諫曰若重贇以讒誅卽人人懼罪
誰敢爲陛下將親兵者帝乃止出重贇爲彰德節度使重
贇聞普救已宅日詣普謝普拒弗見

宋劉安世真鐵漢

宣和七年六月寶文閣待制劉安世卒安世少從學於司
馬光平居坐不傾倚書不草率不好聲色貨利忠孝正直
皆取則於光除諫官在職累年正色立朝其面折廷諍或

逢盛怒則執簡卻立俟威少霽復前抗辭旁列者見之蓄
縮悚汗目之曰殿上虎年旣老羣賢凋喪略盡巋然獨存
以是名望益重梁師成用事心服其賢求得小吏吳默常
趨走前後者使持書唁卽大用默因勸爲子孫計安世笑
曰吾若爲子孫計不至是矣且吾廢斥幾三十年未嘗有
一點墨與權貴吾欲爲元祐全人見司馬光於地下耳還
其書不答蘇軾嘗評元祐人物曰器之真鐵漢器之安世
字也

通鑑類纂目錄

長白馬佳松椿峻峰甫纂

男寶文章排次

品概部 狷介門

漢鄭眾謂犯禁觸罪不如守正而死

漢傅燮拒趙忠不求私賞

魏徐邈通介不改其常

晉陳休卜崇不肯俛首低眉以事闒宦

宋顧覲之不降意於戴法興等

齊謝朓不欲與參籌策出守吳興

唐宋璟獨不禮張易之兄弟

通鑑類纂目錄 狷介門 一